

Mazarin

2810

Le Politique Bvrlesqve Dedie A Amaranthe

**RARE BOOK  
COLLECTION**



**THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL**

Mazarin  
2810

UNIVERSITY OF N.C. AT CHAPEL HILL



00023007595



LE  
POLITIQUE  
BURLESQUE  
DEDIE'  
A  
AMARANTHE.

*Par S. T. F. S. L. S. D. T.*

A PARIS,

---

M. DC. XLIX.

LE

POLITIQUE

UNIVERSITY

DEPT.

THE

AMERICAN

LIBRARY

LIBRARY

DEPT.



3  
L E  
P O L I T I Q V E  
B V R L E S Q V E  
D E D I E'  
A A M A R A N T H E.

**R**ETIRE-toy Muse follastre,  
Ne me parle plus de m'ébattre,  
En cette maudite saison  
N'attends point de moy de chanson.  
Je veux raconter les miseres,  
Arriuées pendant ces guerres,  
Causées par vn Estranger  
Incapable de Gouverner.  
Laisse moy donc petite badine,  
Auecque ton humeur Cyprine,  
Exhaler vn peu la douleur  
Qui me serre si fort le cœur.  
Loin de moy toute mignardise,  
Et cette belle friandise  
Dont ie composois mes discours  
Pour faire entendre mes amours.  
Adieu veine si rauissante  
Qui fit soupirer Amaranthe,  
Contre sa resolution  
De viure sans affection.  
Esloigne-toy Muse fidelle,  
Ne me dy point que cette belle,  
Voulust au temps des trahisons  
Receuoir aucun de mes dons.



Quitte moy ma douce memoire  
 Et ne m'oblige point à croire,  
 Qu'en ce temps si mal-heureux.  
 Je puisse deuenir heureux  
 Ne me flatte point ma nature  
 De l'espoir de quelque auanture:  
 Car ie sçay bien qu'un ignorant  
 Fait souuent plus qu'un trop sçauant.  
 Fuys, fuys de moy, aymable idée,  
 Toujours presente à ma pensée,  
 D'autres objets troublent mes sens  
 Qui ne me sont pas si plaisans.  
 Faut-il entretien agreable,  
 Que j'ayme plus que bonne table,  
 T'abandonner pour vn iamaïs  
 Si Dieu ne nous donne la paix?  
 Quoy donc, ma charmante Maistresse,  
 Pourray-je bien dans ma tristesse,  
 Te représenter vn tableau,  
 Qui n'a rien de bon ny de beau:  
 Pourray-je bien icy d'escrire,  
 Ce qui nous empesche de rire:  
 Non, ma foy, ie ne puis rimer,  
 Voyant tant de monde pleurer.  
 Je n'ay pas assez d'artifice,  
 Pour dépeindre icy la malice,  
 De nos Ministres inhumains  
 Qui contrefont les Souuerains.  
 Toutesfois ie ne sçauois taire,  
 L'estat present de ma misere,  
 N'en déplaïse au CARDINAL,  
 Pourquoi nous fait-il tant de mal?  
 Pardonne-moy chere Amaranthe,  
 Mon ame n'estant pas contente,  
 Agrée ce petit present  
 Sans penser que ie suis Amant.

Tu



5

Tu y verras comme j'espere,  
Les mouuemens de cette guerre,  
Et sur tout l'iniuste rigueur  
Qui me priue de ta douceur.  
Ie sçay bien qu'une autre entreprise,  
Assaisonnée de ma franchise,  
Eust esté plus propre à ton goust;  
Mais quoy! l'on nous oste tout,  
Iusques aux moyens d'exprimer  
Ce bel art qui te fait aymer.

Iete prie rare Merueille,  
De vouloir prester ton oreille,  
A ce discours remply de feux,  
Non pas de ceux d'un Amoureux:  
Mais de tout vn peuple Chrestien,  
Qui pialle pour auoir son bien,  
Ou plustost pour sauuer le reste,  
A fait publier vn Manifeste.  
Mais tout cela n'empesche pas,  
Qu'on ne le veuille mettre à bas,  
Soit par armes ou autrement,  
On veut que nostre Parlement  
Authorise cette iniustice,  
Et qu'il boiue dans le calice.  
Celuy qui est Tuteur des Roys,  
Et le protecteur de nos Loix,  
N'a pû vaincre par remonstrance  
La Maistresse de la Regence:  
Et pour se mettre en seureté,  
Il a donné la liberté  
A tous les prisonniers d'Estat  
Pour deffendre son Magistrat:  
Il a fait prendre aussi les armes,  
A tous nos braues Gensd'armes.  
Pour deliurer la pauvre France  
Des desseins de son EMINENCE:



Cependant le peuple murmure,  
 Voyant que cette guerre dure :  
 L'un dit tout haut qu'on le trahit,  
 Sans vouloir estre contredit :  
 L'autre que le pain est si cher,  
 Qu'il n'en scauroit plus achepter.  
 Vne autre crie que pour la viande,  
 Il faut payer ce qu'on demande,  
 Que toutes choses sont sans prix,  
 Dans la grand' Ville de Paris.  
 L'autre va dire à sa voyfine,  
 Qu'il n'a ny blé, son, ny farine,  
 Et qu'il ne sçait où s'adresser  
 Pour tous ses meubles engager.  
 Vn autre qui a la panse vuide,  
 S'esgueule comme vn crieur d'huiſtre,  
 Pestant contre la male-faim,  
 Quand il se voit manquer de pain :  
 Son compaignon qui a le cerueau,  
 Plus plein de vin, que n'on pas d'eau,  
 (Car, graces à Dieu, nous ne manquons,)  
 De ce bon jus des Bourguignons.  
 Dit que c'est faute de Police,  
 Blasmant Messieurs de la Iustice.  
 L'en vois vn autre tout furieux,  
 Criant tout haut qu'il vaut bien mieux,  
 Mourir les armes à la main,  
 Que d'estre vaincus par la faim.  
 Son camarade le colere,  
 Qui ne peut porter sa misere,  
 Menace d'un embrasement,  
 Si l'on n'y pouruoit promptement.  
 Son voisin qui n'a plus que mordre,  
 Demande pas mieux que desordre,  
 Croyant de simples villageois  
 Deuenir Monsieur le Bourgeois.



Enfin comme cette canaille,  
 Ne charge qu'à faire ripaille,  
 Voicy vne troupe d'espions,  
 Qui ont de bonnes pensions,  
 Se couler avec adresse,  
 Au milieu de cette presse.  
 Pour accroistre cette rumeur,  
 Ils parlent avecque douceur,  
 Ils leur font croire qu'on les trompe,  
 Pour leur faire perdre la honte,  
 Et tout le respect qui est deu,  
 Aux gens de cœur & de vertu.  
 Voyans de la disposition,  
 Pour esmouuoir la sedition,  
 Ils les appellent camarades,  
 Pour faire esclatter leurs brauades;  
 Ils leur promettent encor les biens,  
 De tous nos vertueux Citoyens;  
 Et de par son EMINENCE,  
 Vne authentique Indulgence,  
 Qui effacera tous les pechez,  
 Tant des viuans que trépassiez.  
 Ainsi cette troupe mutine,  
 Qui s'échauffe quand on l'anime,  
 Estoit sur le poinct de donner,  
 Qu'aussi-tost on void arriuer,  
 Vn si merueilleux Conuoy,  
 Chacun criant viue le Roy,  
 Viue le Parlement Auguste,  
 Qui ne veut rien passer d'iniuste.  
 A l'arriuée de ce conuoy,  
 Tout le monde demeure coy.  
 Voyla comme tout se passa,  
 Puis le peuple se retira,  
 Vn chacun reuint au logis,  
 Chargé de pain, soit blanc, ou bis,



Il n'importe quel qu'il puisse estre,  
 On ne peut pas tousiours bien estre :  
 Pourueu qu'on ait dequoy gruger,  
 L'on peut viure sans grand danger.  
 Mais à propos de ces espions,  
 Qui se confioient en leurs talons,  
 Lors qu'ils pensoient de faire gille,  
 On les meine à l'Hostel de Ville,  
 Et là ils sont mis en prison,  
 Comme personnes de renom,  
 Attendant que Dame Iustice,  
 Les abandonne au supplice,  
 Ou autre moindre punition  
 Qui responde à leur action.

Mais laissons-là ces miserables,  
 S'entretenir de leurs semblables.  
 Allons faire vn tour par la Ville,  
 Où chacun à son gré babille,  
 Des affaires du temps present  
 Sans demander or ny argent.  
 Il n'en couste rien pour entendre,  
 Chacun en prend ce qu'il peut prendre,  
 Et l'on s'en reuient bien souuent,  
 Aussi ignorant qu'auparauant.  
 Ceux qui veulent voir quelque chose,  
 Soit en vers, ou bien en prose,  
 Ils payent deux liards du cahier  
 Sans en rabattre vn seul denier.  
 Les Imprimeurs font leur profit  
 Des pieces qui ont le debit:  
 Les Colporteurs vendent leur peine,  
 Courans tousiours la pretenteine.  
 Je les appelle chansonneurs,  
 A cause qu'ils sont grands piailleurs,  
 Auecque leurs longs preambules,  
 Je les trouue si ridicules,

Qu'ils



Qu'ils me font tous mourir de rire,  
 Ne sçachans ce qu'ils veulent dire:  
 Ils crient comme des perdus,  
 Sans pouuoir estre entendus:  
 Ils ont tousiours la gorge pleine,  
 Iusques à tant qu'ils sont hors d'haleine.

Ainsi comme ils eurent passé,  
 Regardant d'un autre costé,  
 J'entendis bien d'autres clameurs,  
 Messageres de grands malheurs.  
 Cela me surprit grandement,  
 Sans sçauoir pourquoy, ny comment.  
 Je meditois desia la fuite,  
 Apprehendant quelque poursuite,  
 Ou que l'ennemy fust entré,  
 Qui m'eust trouué tout desarmé.  
 Alors vn homme fort honneste,  
 Sans chapeau, ny bonnet en teste,  
 Me dit, Monsieur, asseurez vous,  
 Vous estes esloigné des coups.  
 Qu'est-ce donc, dis-je, cher amy?  
 Pourquoi, ce grand Chariuary?  
 Il me respond sont gens des champs,  
 Qui se plaignent du mauuais temps:  
 Là dessus nous nous separons,  
 Camarades comme Cochons:  
 Il va d'un costé, moy de l'autre,  
 En me disant seruiteur vostre.  
 Aussi-tost ie m'approchay d'eux,  
 Pour entendre leurs cris piteux,  
 A voir leur contenance austere  
 Je iugeay bien de leur misere:  
 Mais à les ouyr dégoiser,  
 Mes yeux se meirent à pleurer,  
 Mon cœur deuient plus mol que cire,  
 Perdant toute enuie de rire.

Voicy à peu près leur doleance,  
 Si j'ay bonne ressouenance:  
 Car si ie ments c'est apres eux,  
 Lesquels ne se font jamais gueux,  
 L'un disoit que dans sa maison,  
 Y auoit bonne prouision,  
 De blé, de lard, & de farine,  
 Pour s'empescher de la famine.  
 Vn autre qui auoit esté,  
 Des plus riches de sa Cité,  
 Contoit qu'il auoit tout perdu  
 Sans pouuoir sauuer vn escu.  
 Vn autre Manant de village,  
 Grandement sçauant pour son âge,  
 Monstra qu'il auoit estudié,  
 En l'escole de son Curé;  
 Par vne belle description,  
 Qu'il fit de son affliction,  
 Non pas en rime, mais en prose,  
 Imitant bien l'hypothipose:  
 Et fit voir en perdant son bien,  
 Qu'il estoit bon Rhetoricien.  
 Dispense moy, belle Amaranthe,  
 De mettre icy cette harangue,  
 Ce seroit vn triste entretien  
 Pour vn esprit comme le tien,  
 Qui ne se plaist à autre chose,  
 Qu'à lire la Methamorphose:  
 Ou bien quelque joyeuseré  
 Qui maintient l'esprit en santé.  
 Quelques autres de mesme troupe,  
 Cherchans quelqu'un qui les escoute,  
 Ils faisoient vn si grand sabat,  
 Que ie croyois d'estre au combat.  
 L'un d'iceux s'estant auisé,  
 Que ie m'estois bien disposé,



A leur donner vn peu d'audiance,  
 Ils exercerent ma patience,  
 En m'entourant de tous costés  
 Crians comme des enragez.  
 Ils parloient tous ensemblement,  
 Sans ordre ny agencement:  
 Leurs discours n'estoient que redites,  
 De pertes grandes, ou petites:  
 Mes sens estoient tous estourdis,  
 De leur grand bruit, & de leurs cris.  
 D'ailleurs ne pouuant rien entendre,  
 A leur jargon, sans plus attendre,  
 Je cours vistement au logis,  
 Craignant encore d'estre repris:  
 Où dès que ie fus arriué,  
 Bien ayse d'auoir eschapé,  
 Je me iettay dessus mon liét,  
 Pour donner force à mon esprit.

Apres m'estre vn peu reposé,  
 Sentant mon corps tout allegé,  
 Je tepassay dans ma memoire,  
 Vne si pitoyable histoire.  
 Pour la pouuoir bien exprimer,  
 Je raschay de la debrouïller,  
 En tirant de la confusion,  
 Vn ordre par la diuision.  
 Je commençay de cette sorte,  
 Par vn qui auoit la gueule forte,  
 Qui se faisoit bien remarquer,  
 A son geste, & à son parler.  
 Avec vn grand souspir deuant,  
 Puis tout d'vn coup en s'escriant;  
 Frapant des pieds contre la terre,  
 Iuroit, pestoit contre la guerre:  
 Vne autrefois leuant les yeux,  
 Regardoit droit deuers les Cieux,

Et en estendant ses deux mains,  
 Prioit le Pere des humains.  
 Soyez, disoit-il, secourable,  
 A moy, qui suis si miserable:  
 Mais aussi-tost que la douleur,  
 Luy representoit son malheur,  
 Comme s'il fust entré en furie,  
 Ou bien dans quelque resuerie,  
 Crioit plus fort qu'auparauant,  
 Qu'on luy rendit son pauvre argent,  
 Tant il est vray, ce que l'on dit,  
 Que qui perd son bien, perd l'esprit.  
 Vn autre qui estoit à son costé,  
 Aussi défait qu'un trépassé,  
 Disoit d'une estrange façon,  
 Qu'on l'a chassé de sa maison,  
 Qu'on luy a pris ses bœufs, ses vaches,  
 Qu'on a rompu toutes ses arches,  
 Pour voir s'il y auoit rien dedans  
 Qui fut propre à ces bonnes gens:  
 Se payans de toute monnoye,  
 Ne vivant rien que de leur proye,  
 Ils cherchent par tout à pillier,  
 Pour auoir bien dequoy piller.  
 Celuy-cy à peine auoit dit,  
 Qu'un autre parla tout subit,  
 Faisant vn long denombrement,  
 De tous ses biens pareillement,  
 Comme champs, prés, vignes, jardins,  
 Bois, vergers, maisons & bons vins.  
 En suite, l'argent monnoyé,  
 Qu'il n'auoit pas spécifié.  
 Sçauoir, pieces de trente sous,  
 De cinq, de quinze, & vingt-neuf sous,  
 Patagons, doublons, ducats,  
 Et beaucoup des anciens testons:

 RBC  
 NcU

Pistoles



Pistoles de France, & d'Espagne,  
 Et autres pieces d'Allemagne;  
 Là il se t'eust, & me iura,  
 Qu'il ne luy restoit rien de cela.

En voicy vn autre de mesme bande,  
 Qui prie aussi que l'on l'entende,  
 Il vous fera compassion,  
 Si vous luy prestés attention.

Commengant donc par le detail,  
 De son grand & petit bestail,  
 Il les voulust tous contrefaire,  
 Par le chant, par la voix, & le braire,  
 Les appellant tous par leurs noms,  
 Jusqu'au moindre de ses moutons:

La crainte que j'ay d'ennuyer,  
 Me les a fait tout oublier.

A quoy bon cette crierie,  
 N'estant pas dans la raillerie,  
 Je pense qu'il est superflu  
 De dire tout par le menu.

Laiſſons-là tout ce tripotage,  
 Pour parler de son Mariage,  
 C'estoit vn ieune jouuenceau,  
 Qui auoit la mine d'haïr l'eau:

Il me dit qu'il estoit marié,  
 Seulement depuis l'an passé,

A vne fille de son village,  
 Ieune, belle, riche, & bien sage;

Qu'elle auoit d'honnestes parens,  
 Encor qu'ils fussent payſans:

Qu'elle estoit si grande menagere,  
 Qu'elle haïſſoit la bonne chere:

Qu'elle prenoit vn si grand ſoin,  
 Que rien ne manquoit au besoin:

Qu'encor qu'elle fut villageoise,  
 Qu'elle valloit vne bourgeoise:

Qu'elle auoit vn si bon esprit,  
 Qu'elle fait plus qu'on ne luy dit:  
 Bref qu'elle estoit si bien faite,  
 Qu'il l'aymoit plus qu'une coquette.  
 La plume me tombe des mains,  
 Entendant des faits inhumains:  
 Ce pauvre homme en continuant,  
 Me disoit tousiours en pleurant,  
 Qu'un soir comme ils estoient couchés,  
 Des hommes qui estoient bien armés,  
 Vinrent avecque grande escorte,  
 Effondrer leur petite porte:  
 Aussi-tost qu'ils furent entrés,  
 Nous comme gens, bien estonnés,  
 Crions pardon, pitié misericorde.  
 Sans que pas vn d'eux nous l'accorde.  
 Nous nous jettons à leurs genoux,  
 Pour appaiser leur grand courroux;  
 Et ne les pouuant pas feschir,  
 Je me resous de bien mourir.  
 Alors m'estant mis en deffence,  
 Ils m'entraîsnerent de violence,  
 Hors de ma petite maison,  
 Disant vous irez en prison,  
 Me contraignant d'abandonner  
 Tout ce que j'auois de plus cher.  
 Helas! icy la voix me manque,  
 L'entends ma femme, & ma seruante.

Cet homme ayant ainsi parlé,  
 Je croyois estre deliuré,  
 D'oïr semblables doleances,  
 Ennemies des rejouyssances.  
 Alors vne troupe de femmes,  
 Hurlant pour soulager leurs ames,  
 Je dis plus sans comparaison,  
 Qu'un aueugle pour son baston.



Cela m'obligea d'arrester,  
 Pour les entendre clabauder,  
 La premiere de cette sorte,  
 Qui n'auoit pas l'ame trop forte,  
 S'arrachoit si fort les cheveux,  
 Alleguant qu'il valoit bien mieux,  
 Finir promptement sa misere,  
 Que d'estre esclauues de la guerre.  
 Vne autre qui venoit après,  
 Pleuroit ses parens trespassez,  
 Elle estoit si inconsolable,  
 Que rien ne luy sembloit aymable.  
 La troisieme qui auoit plus de cœur,  
 Pour commander à sa douleur,  
 M'entretient vn peu longuement,  
 Du sac, ou du saccagement,  
 De sa Ville, Bourg, & Chasteau,  
 Ou de quelque autre lieu nouveau,  
 Nommés-le comme il plaira,  
 Car pour moy ie le laisse là.  
 Pour commencer donc ce recit,  
 C'estoit enuiron la minuiet,  
 Qu'on vint attaquer cette place,  
 Deffenduë par la populace;  
 N'attendant rien moins que cela,  
 La sentinelle crie qui va là?  
 Les assaillans font grand silence,  
 Pour abuser nostre ignorance,  
 Et comme ils sont hommes rusez,  
 Ils passent d'abord nos fossez,  
 Faisant estat de nous surprendre,  
 Approchent sans se faire entendre:  
 Dressent aussi-tost leurs eschelles,  
 Qui resueillent nos sentinelles.  
 A ce bruit on donne l'allarme,  
 Là dessus tout le monde s'arme,

De mousquets, de piques, d'haliebardes,  
 De faux, de pieux, & autres armes :  
 Mais auant que d'estre assemblés,  
 Les ennemis estoient entrés :  
 Les femmes montoient aux fenestres,  
 Iettant des cailloux sur leurs testes,  
 Ce qui plus irrita leur rage,  
 N'espargnant ny sexe, ny âge,  
 On n'entend rien de tous costés,  
 Que cris de mourans, ou blessés.  
 Voyant bien que s'en estoit fait,  
 L'un fuyt emportant son paquet,  
 L'autre tasche de se sauuer,  
 Auec ce qu'il peut emporter.  
 Vne autre enfile la venelle,  
 Sans lanterne, ny sans chandelle,  
 Apprehendant d'estre connû,  
 Encore bien qu'il fust tout nû.  
 Il ne restoit plus à forcer,  
 Que l'Eglise de saint Leger,  
 Où quantité de pauures filles,  
 Qui estoient belles, & gentilles,  
 S'estoient venuës refugier,  
 Ayans leur honneur à garder.  
 Ha ! bon Dieu, faut-il que ie die,  
 Qu'aussi tost vne troupe impie,  
 Sans respecter vostre Maison,  
 Entra jurant vostre saint Nom ?  
 Se jetta sur ces pauures filles,  
 Qui estoient plus mortes que viues :  
 Elles voulurent se deffendre,  
 Mais enfin il se fallut rendre,  
 Et sousmettre à la discretion,  
 De leur brutale passion,  
 Rauissant leur virginité,  
 Au Temple de la pureté.

Ha !



Ha ! pauvres filles de village ,  
 Que ferez-vous sans pucelage ,  
 Personne ne voudra de vous ,  
 Vous ne trouuerez point d'espoux ?  
 Mais quoy , ce n'est pas assez ,  
 Ces Demons, ces Diables incarnés ,  
 Apres vous auoir violées ,  
 Dépouillées, battues, escheuelées ,  
 Sans craindre le Dieu immortel  
 Monterent dessus son Autel ,  
 Prirent tous les ornemens ,  
 Qui se trouuerent là dedans :  
 Et ce que ie ne sçauois croire ,  
 L'on dit mesme le Saint Cyboire.  
 Foullant aux pieds le Sacrement ,  
 En jurant, regniant, blasphémant.  
 Ayant commis ces sacrileges ,  
 Bruslerent tous nos priuileges ;  
 Dans tous les quartiers de ce lieu ,  
 Firent allumer vn grand feu ;  
 Afin de faire consommer  
 Ce qu'ils ne peurent enleuer :  
 Emmenant avec leur butin ,  
 Ces pauvres filles par la main.  
 Du milieu de ce grand danger ,  
 J'eus de la peine à me tirer ,  
 N'emportant rien avecque moy ,  
 Qu'horreur , que crainte , & qu'effroy.  
 Ainsi fust prise nostre place ,  
 Sans qu'on luy fit aucune grace ,  
 Priant celuy qui est Tout-puissant ,  
 De punir ce grand malfaisant.  
 Apres vn si triste recit ,  
 Criant tout haut qu'elle auoit dit ,  
 La derniere de cette bande ,  
 S'approche sans qu'on la mande ,

Et fans demander permission,  
 Piquée contre la nation,  
 Soit Allemande, ou Polonnoise,  
 Et mesme contre la Françoisse,  
 Commença si fort à tonner,  
 Que ie n'osay la regarder,  
 Tant elle faisoit la furieuse,  
 La prenant pour vne Meduse,  
 Ie la laissay crier tout son fou,  
 Me sauuant par vn petit trou:  
 L'entray dedans vne boutique,  
 D'un homme qui estoit sans pratique,  
 En quittant là ces payfans,  
 Pour entendre nos artisans.

Le maistre qui n'estoit pas loin,  
 Homme de grandissime soin,  
 Croyant que j'auois bien à faire,  
 De quelque chose neceffaire,  
 Accourust aussi-tost à moy,  
 Disant qu'il auoit bien dequoy,  
 Que sa marchandise estoit bonne,  
 Qu'on n'entendoit plaindre personne,  
 Qu'il seruoit bien d'honnestes gens,  
 Qui n'en estoient pas mescontens.  
 Ayant apporté vne escabelle,  
 Me prie de m'asseoir sur icelle:  
 Ainsi donc que ie fus assis,  
 D'un ton de voix d'homme rassis,  
 L'interrogeant de son mestier  
 Me dit, qu'il estoit Cordonnier.  
 (Car notés que dans sa boutique,)  
 Il n'y auoit ny forme, n'istique.  
 Luy qui s'estoit bien apperceu,  
 De ce que ie n'auois rien veu,  
 Pour maintenir sa chalandise,  
 Me parla auecque franchise,



Disant, ne vous estonnez pas,  
 Si ie ne tiens rien icy bas,  
 Si ma boutique est deserte,  
 C'est pour me garder de perte,  
 Car, ie vous assure, Monsieur,  
 Que nous n'auons rien de seur,  
 Par ma foy nous ne faisons rien,  
 Si ce n'est manger nostre bien,  
 Et depuis que la guerre dure,  
 N'auons pas vendu pour du burre.  
 Moy qui ne veux point achepter,  
 L'entendant ainsi dégoïser,  
 Je compatis à sa misere,  
 Maudissant aussi cette guerre.  
 Nous changeons ainsi de propos,  
 Pendant que ie suis en repos,  
 Voyant qu'il aymoît à parler,  
 Je le priay de continuer,  
 Et me dire ses sentimens  
 Touchant ces grands mouuemens.  
 S'estant vn peu excusé  
 Sur son incapacité,  
 Je dois, dit-il, obeïssance,  
 Aux gens de vostre importance,  
 Encore qu'il y ait du danger,  
 Bien souuent à babiller,  
 Des affaires de cette nature,  
 Quant à present ie ne m'en cure:  
 Car, Nosseigneurs de Parlement,  
 Souffrent qu'on dise librement,  
 Tout ce qui nous vient en la bouche,  
 Pourueu que cela ne les touche.  
 Escoutez doncques s'il vous plaist,  
 Ce que ie scay de l'intérest  
 Du public, ou de la commune,  
 Selon ma petite fortune?

Je trouue que l'on a manqué,  
 De n'estre aussi-tost allé,  
 Le lendemain qu'on eust nouuelle,  
 Que le CARDINAL, & la REYNE,  
 Le ROY, & Monsieur d'ORLEANS,  
 Et plusieurs autres Courtisans,  
 S'estoient sauues à Saint Germain,  
 Courir les armes à la main,  
 Pour rammener nostre Roy,  
 Et nous remettre en requoy.  
 La guerre se fust terminée,  
 Par vne seule journée :  
 Les passages seroient libres,  
 Et nous aurions assez de viures,  
 Sans donner tant à gagner  
 A ce pendart de Boullanger,  
 Et à ce volleur de Boucher,  
 Qui se font si fort prier.  
 Je laisse, dit-il, le reste  
 A quelque meilleure teste,  
 Car, pour moy ie ne pretens,  
 D'estre mis au rang des sçauans.  
 Aussi-tost qu'il eust acheué,  
 Je me leuay, & pris congé,  
 Et pour mon remerciement,  
 Luy fis vn petit compliment;  
 Que si on eust suiuy son auis,  
 On n'eust iamais bloqué Paris.

Estant sorty de la boutique,  
 De cét homme à la Politique,  
 Pallay de là sans m'arrester  
 Pour tascher de pouuoir entrer,  
 Dans la boutique de quelque autre,  
 Trouuant le Maistre sur la porte,  
 Me dit, Monsieur, que voulez-vous?  
 L'ay des peignes qui sont bien doux,



De buis, de corne, ou d'escaille,  
 C'est moy-mesme qui les trauaille.  
 S'il vous plaist de vous asseoir,  
 Il n'en couste rien pour les voir.  
 Alors ie dis en moy-mesme,  
 Ie ne veis iamais rien de mesme :  
 Que ie trouue Paris changé,  
 Depuis que l'on l'a assiégué :  
 Car l'humeur de ces artisans,  
 C'est d'estre rogues & suffisans.  
 M'ayant parlé courtoisement,  
 Ie m'assis donc fort librement.  
 Il m'estalle sa marchandise,  
 En attendant que ie la prise,  
 Il me dit, voila qui est bien fait,  
 Se peut-il voir rien de plus net ?  
 Ouy luy repars ie aussi-tost,  
 Craignant qu'il ne me prit pour sot :  
 Non, ie ne croy pas qu'en France,  
 Y aye ouurier qui nous deuance :  
 Vostre besogne est si bien faite,  
 Qu'elle est bonne pour vne coquette,  
 Ou pour quelque ieune muguet,  
 Qui a tousiours de l'argent de prest.  
 Pour moy, il faut que j'auoüe,  
 Auparauant que l'on me louë,  
 Que ie n'en ay plus qu'il m'en faut  
 He, diantre ! c'est là mon defaut :  
 Car si j'auois à despenfer,  
 Ie le scaurois bien employer,  
 Soit en peignes, ou autre chose,  
 Ie ne dirois pas que ie n'ose.  
 Mais à present que tout est cher,  
 Ie n'ay pas moyen d'achepter,  
 Puis, j'en ay vn en la maison,  
 Qui est encor assez beau & bon

L'on ne s'enfarine plus tant,  
 Comme on faisoit par cy-deuant,  
 Ce qui engendroit de la crasse,  
 Sur la teste, & sur la face:  
 C'est pourquoy ie me puis passer,  
 En ce temps de me tant peigner.  
 L'artisan sans plus attendre,  
 Voyant qu'il ne peut rien vendre,  
 Enuelloppe aussi-tost ses peignes,  
 Les met dans leurs estuis, ou guaisnes;  
 Et puis se tournant deuers moy,  
 Elle dit, Monsieur, tout en esmoy:  
 N'est-ce pas vne chose estrange,  
 D'endurer que l'on nous mange:  
 Et voir souffrir tant d'innocens,  
 Seulement pour quelques meschans;  
 Qui abusans du nom du Roy,  
 Ils nous veulent faire la Loy,  
 Veulent piller toute la FRANCE,  
 Pour esleuer son EMINENCE,  
 Mettre les tailles en party,  
 Pour enrichir ce fauory:  
 Sous pretexte de faire guerre,  
 Tant sur la mer, que sur la terre;  
 De poursuiure nos grandes conquestes,  
 Au despens des illustres testes;  
 Pour contraindre nos ennemis,  
 A nous laisser ce qu'auons pris:  
 Pour leur faire achepter la paix,  
 Que nous n'auons vouluë iamais:  
 Nous l'ayant tant de fois offerte,  
 A leur dommage, & à leur perte.  
 Les grands Politiques du temps,  
 Disent qu'il n'est pas encor temps,  
 Qu'on ne la sçauroit encor faire,  
 Sans recommencer cette guerre,



Qu'il nous faut encor des places,  
 Pour detourner ces disgraces;  
 Pour rendre la France glorieuse,  
 Par vne paix auantageuse.  
 Voila le grand raisonnement,  
 De ce Ministre intelligent:  
 Voila le sujet de cette querelle,  
 Qu'il tasche de rendre eternelle  
 Voila d'où vient tout nostre mal,  
 Parce qu'il plaist au CARDINAL:  
 Voila d'où viennent nos malheurs,  
 Causez par tant de volleurs:  
 Voila la cause du different,  
 Du Conseil, & du Parlement:  
 Voila la source de la guerre,  
 Et celle de nostre misere.  
 Voila comme cet homme parla,  
 M'estonnant bien fort de cela,  
 Qu'un miserable Artisan,  
 Raisonnat mieux qu'un Courtisan.  
 Ce pauvre s'estant ainsi teu,  
 Apres auoir jetté son feu,  
 Le voyois à trauers ses yeux,  
 Qu'il estoit grandement joyeux,  
 D'auoir monstré que son habit  
 Estoit moindre que son esprit:  
 D'auoir si bien raisonné,  
 Sur le present & le passé,  
 N'estant pas moins satisfait,  
 Qu'il eust esté d'un bien fait:  
 Ce qui fait voir qu'un patient,  
 Croit s'allegier en se pleignant.  
 Pour flatter la passion,  
 De cet homme plein de raison,  
 Je luy dis mon bon amy,  
 Vostre discours m'a rauy,

Je ne me sçauois ennuyer ,  
 De vous entendre parler.  
 Mais à propos , est-il bien tard ?  
 Il me respond dix heures vn quart.  
 Ho ! ho ! il faut que ie m'en aille ,  
 Je manquerois la bourdifaille.  
 Adieu , jusques au reuoir ,  
 Seruiteur , Maistre , & bon soir :  
 Je vay faire vn tour au Palais ,  
 Pour voir ce qu'on dit de la paix ,  
 En attendant que le disner  
 M'appelle pour me retirer.

Aussi-tost que ie fus entré  
 Dans ce grand Palais enchanté :  
 Ainsi le peut-on appeller  
 Puis qu'on n'y fait rien que chanter ;  
 Soit à la mode , ou autrement ,  
 N'importe de sçauoir comment.  
 Je fus rauy en admiration ,  
 De voir cette confesion ,  
 d'Aduocats , & de gens d'affaires ,  
 De Procureurs , & de Notaires ,  
 Dans la grand' Salle aux pas perdus ,  
 Tenir des discours superflus.  
 Estant sorty de cét estonnement ,  
 J'allay m'appuyer sur le banc ,  
 De mon agreable lingere ,  
 Qui cause mieux qu'une harangere.  
 Si tost , elle me demanda ,  
 Helas , Monsieur , d'où vient cela ,  
 Que l'on ne nous sçauoit plus voir  
 Dans ce diuertissant manoir ?  
 Ce miracle si fort m'estonne ,  
 Qu'on mesconnoit vostre personne.  
 Alors , ie luy dis franchement ,  
 Que ie n'auois point de l'argent :

Que

RBC  
NcU



Que ie ne pouuois venir en ce lieu,  
 Sans y laisser la Croix de Dieu:  
 Que ie n'y scaurois plus rien voir,  
 Sans prendre enuie de l'auoir.  
 Vrament, dit-elle, vrament, çamon,  
 Ce n'est pas par cette raison,  
 Que gens de vostre qualité  
 Sont atteints de la paureté.  
 Tout le monde nous dit de mesme,  
 Qu'on est reduit à l'extreme,  
 Qu'on a peine de subsister,  
 Et qu'on se passe d'achepter.  
 Cependant nostre Marchandise,  
 Demeure là sans qu'on la prise;  
 Et il nous faut quasi donner,  
 Ce que nous vendions bien cher.  
 Luy ayant fait faire silence,  
 Il faut dis-je, prendre patience,  
 Le mauuais temps ne peut durer,  
 Voicy vn secours estranger,  
 Qui vient pour deliurer la France,  
 Du fardeau de son EMINENCE;  
 Offre ses forces au Parlement,  
 Pour se joindre ensemblement,  
 Et à Messieurs nos Generaux,  
 Pour nous deliurer de nos maux:  
 Pour faire vne bonne paix,  
 Qui vous rendra riche à iamais:  
 Pour défaire ces fauoris,  
 Qui veulent destruire Paris.  
 Elle reprit aussi-tost la parole,  
 Me disant, ce n'est rien qu'une colle,  
 Dont on nous veut amuser,  
 Afin de nous mieux dupper:  
 Ce qui fait que le monde gronde,  
 Ne voulant pas qu'on le seconde.

Je ne sçay ce qu'il en fera,  
 Si l'on ne pouruoit à cela:  
 Le peuple est grandement las,  
 De se voir desia si bas,  
 Et qu'on ne se met gueres en peine,  
 De le tirer de cette gesne.  
 Cela n'est pas de mon gibier,  
 Ayant l'esprit si grossier,  
 Laissons ce soin à qui plus touche,  
 Et fermons là dessus la bouche.  
 Elle demeurera sans parler,  
 Je creus pour se faire prier,  
 Faisant cette petite pause,  
 Pour commencer quelque autre chose.  
 Ce sexe qui ayme à babiller,  
 Voyant sa langue fretiler,  
 Qui s'apprestoit pour discourir,  
 A dessein de me diuertir:  
 Je la priay de me deduire,  
 Quelque conte pour faire rire;  
 Et pour recréer mon esprit,  
 Choisir quelque plaisant recit.  
 Ayant acheué ma priere,  
 Elle se donna bien carriere,  
 Et à moy du contentement,  
 Quitte pour vn remerciement.

Voicy son discours tout au long,  
 Retranchez-le s'il est trop long,  
 Ou si vous estes de loisir,  
 Prenez la peine de l'oïr.  
 Pardonnez à ma curiosité,  
 Si j'ose prendre la liberté,  
 Dit-elle, de vous demander,  
 Pourquoi vous tant attrister?  
 Pourquoi ne venez vous icy,  
 Décharger tout vostre soucy?



Et faire comme font les autres,  
 Qui s'en content les vns aux autres.  
 C'est icy, le lieu des nouuelles,  
 Où se debitent les plus belles :  
 C'est icy, le grand rendez-vous,  
 Des plus sages & des plus fous :  
 ( Ce n'est pas au rang des derniers )  
 Que ie vous mets, mais des premiers ;  
 C'est icy, que les Politiques,  
 Produisent d'exemples antiques,  
 Pour & contre l'administration,  
 De ceux de contraire nation :  
 C'est icy, que l'on dit merueilles,  
 Et que l'on charme les oreilles ;  
 Par des propos si releuez,  
 Qu'ils rendent mes sens estonnez :  
 C'est icy, que les Visionnaires,  
 Viennent conter à ces Libraires,  
 Leurs resueries, & leurs songes  
 Qui ne sont rien que mensonges :  
 Enfin, c'est icy, qu'un chacun  
 Parle de l'intereſt commun ;  
 Et où, tous les beaux esprits  
 Debitent ce qu'ils ont appris.  
 Iugez, si vous auez raison,  
 De vous tenir à la maison ?  
 Je ne vous ſçaurois iamais dire,  
 Ce qui fait que l'on les admire,  
 Parlant des maximes d'Eſtat,  
 Mieux que ie ne fais d'un rabat.  
 Pour gouſter vn peu ce plaisir,  
 Et ſatisfaire à mon deſir :  
 Regardés cette Conference,  
 La mine, & la preſtance,  
 De ces Meſſieurs les Aduocats,  
 Qui ſemblent à des Magiſtrats.

Ou plustost aux Legislateurs,  
 Des Republiques Fondateurs :  
 Ou à ces sages de la Grece,  
 Dont ils ont puisé la sagesse.  
 Escoutés leur raisonnement,  
 Comme ils parlent sagement,  
 De cette grande autorité,  
 Qu'on attribué à sa Majesté;  
 Que quelques-vns dans son Enfance,  
 Font valoir avec arrogance :  
 Se courans de ce grand Manteau,  
 Pour faire leur jeu plus beau.  
 Ils nous traittent de rebelles,  
 Pour mieux remplir leurs escarcelles,  
 Et ruiner la pauvre France,  
 Sous cette belle apparence.  
 Ils font accroire à nostre Roy,  
 Que nous mesprisons sa Loy :  
 Qu'on en veut à sa personne,  
 Pour luy oster sa Couronne;  
 Et que c'est le Parlement,  
 Qui brigue le gouvernement.  
 Ils croyent par cette calomnie,  
 Mettre à couvert leur Tyrannie,  
 Iettans sur ses pauvres sujets,  
 Le fondement de leurs projets ;  
 Afin d'exercer leur vengeance,  
 Au despens de leur innocence.  
 Mais graces à Dieu la verité,  
 Fera voir à sa MAJESTE',  
 Le veritable fondement,  
 De tout ce grand armement :  
 A la honte, & au dommage  
 De ceux qui tirent avantage,  
 Pendant cette minorité,  
 D'usurper tout par cruauté ;

Et

RB  
Ncl



Et de bastir sur la rancune,  
 Les hauts desseins de leur fortune.  
 Dieu est trop misericordieux,  
 Pour laisser ces avaricieux,  
 S'engraïsser de nostre substance,  
 Pour complaire à son EMINENCE;  
 Et remporter tous les pillages,  
 Des Bourgs, des Villes, & villages.  
 Il est trop grand, il est trop iuste,  
 Pour ne punir pas cet injuste,  
 Avecque tous ses complices,  
 Autheurs de tant d'injustices;  
 Et faire perir ces impies,  
 Qui ont sacrifié tant d'Hosties.  
 Voulez-vous sçavoir le mystere,  
 Qui a produit cette guerre?  
 Ce sont leurs propres interests,  
 Qui consistent dans les prests:  
 Voila le vray Manifeste,  
 Qui va causer nostre perte:  
 Le pretexte de diuision,  
 Qu'on qualifie de rebellion;  
 Et comme sous vn faux entendre,  
 L'on pretend de nous surprendre.  
 Icy, tous ces Messieurs se teurent,  
 Peut estre de crainte qu'ils eurent,  
 D'auoir parlé trop librement,  
 Contre Monseigneur l'EMINENT.  
 D'auoir descouuert son secret,  
 Encor qu'il soit bien discret,  
 D'auoir tiré la verité,  
 Du milieu de l'obscurité.  
 Aussi-tost ils se separerent,  
 Et puis de là se retirerent,  
 Estans tous demeurez d'accord,  
 Que nous n'auions point de tort;

Et qu'il nous estoit permis,  
De s'opposer aux ennemis.

Cette Conference estant finie,  
Ma Lingere qui estoit rauie,  
D'entendre si bien parler,  
Me pria de m'arrester,  
Pour ouyr quelques Procureurs,  
Auecque leurs solliciteurs,  
A present gens sans pratique,  
Discourir de la Politique,  
De l'interest des fauoris,  
De MAZARIN, & de Paris,  
Des malheurs des guerres ciuilles,  
Qui ont depeuplé tant de villes;  
Comment il faut releuer,  
Vn estat prest à tomber.  
Vn d'entr'eux qui à sa mine,  
Sembloit eminent en doctrine;  
Dit, que les Ministres estrangers,  
Ne sont iamais bons mesnagers;  
De la gloire des Potentars,  
Estans les fleaux de leurs Estats:  
Ils preferent l'vtilité,  
Et le gain à l'honnesteté:  
Ils n'ont point d'autre visée,  
Qu'à satisfaire leur pensée,  
Cherchans leur agrandissement  
Dedans nostre abaissement:  
Leur ame n'est iamais contente,  
Sans vne fortune eminente;  
De toutes choses ils font profit,  
Pour se maintenir en credit;  
Et non contens de leur salaire,  
Par vn commerce extraordinaire,  
Vendent les charges & les employs,  
C'est ainsi qu'ils vollent nos Roys:



C'est ainsi que leur soin trauaille,  
 A prendre jusques vne maille,  
 Et comme ils viennent de bas lieu,  
 Ils ne gardent point de milieu.  
 Ils pensent que leur opulence,  
 Cachera leur vile naissance;  
 Et que par cét esclat trompeur,  
 On leur doit rendre grand honneur:  
 Tirent de là leur auantage,  
 Pour rehausser leur parantage;  
 Et faire des grandes alliances,  
 Avec les suprêmes puissances:  
 Pour assouuir leur ambition,  
 Qui tend à la domination.  
 Ils mesprisent la vraye gloire,  
 Pour vne infame memoire;  
 Et rien ne les peut esmouuoir,  
 Que lors qu'on choque leur pouuoir.  
 Ils risquent la reputation,  
 Et la gloire de la nation,  
 Ne se soucians pas qu'un Prince,  
 Soit dépoüillé de sa Prouince;  
 Pourueu qu'ils se puissent venger,  
 Par la famine, & par le fer;  
 Et que tout vn Estat perisse,  
 Faisans que leur desir reüssisse.  
 C'est ainsi que ces cruels traistres,  
 Perdent souuent leurs bons Maistres,  
 En déguisant leurs cruautez,  
 Sous le nom de leurs Majestez;  
 Et le fruit de leur ministere,  
 Pour acheuer nostre misere.  
 Par là les Estats sont ruinez,  
 N'estant iamais bien gouuernez,  
 Par des Ministres si auares,  
 Incapables des choses rares,

Lesquels n'ont point d'autre objet,  
 Que celui de leur interest.  
 Tu le vois bien par experience,  
 Aujourd'huy, miserable France,  
 Mesme depuis plusieurs années,  
 Que tes mauuaises destinées,  
 Ont mis ton sort entre les mains,  
 De deux Ministres Italiens.  
 Veux-tu guerir de ce grand mal,  
 Il faut chasser ce Cardinal,  
 Qui t'a rauy ta liberté,  
 Pour te mettre en captiuité ?  
 C'est là l'vnique moyen,  
 Pour rentrer dedans ton bien.  
 Tu n'as point d'autre remede,  
 Pour luy oster ce qu'il possède ;  
 Et pour recouurer ton repos,  
 Qu'en supprimant tous ses impôts,  
 Qui t'ont si fort trauaillée,  
 Que tu en es toute troublée.  
 Ton ieune Roy te tend les bras,  
 Pour le tirer de l'embarras,  
 Où tes plus grands ennemis,  
 Font gloire de l'auoir mis.  
 Ne differe pas dauantage,  
 A le vanger de cet outrage ;  
 Et le remettre dans Paris,  
 Sur le trosne des fleurs de lys.  
 Cet homme ayant touché au but,  
 A l'instant mesme il se t'eut,  
 Pour ouïr vn solliciteur  
 Qui faisoit le grand orateur ;  
 Doüé d'vne grande memoire,  
 Se souuenant bien de l'histoire.

Quoy, Messieurs, vous vous estonnez,  
 Si aujourd'huy à nostre nez ?

Dit-il,



Dit-il, on enleue le Roy,  
 Apres auoir juré leur foy,  
 Que l'on auoit oublié  
 Tout ce qui s'estoit passé;  
 Et qu'on vouloit que desormais,  
 Tout le monde vescu en paix.  
 Sçauiez-vous pas que les Ministres,  
 Durant les mouuemens sinistres,  
 Promettent tout, ne tiennent rien,  
 Quand ils ont les forces en main?  
 Et qu'il n'y a rien de si friuole,  
 Que de se fier en leur parole.  
 Ce n'est pas vn fait si estrange,  
 Puis que tousiours le monde change;  
 Et que sa propre qualité,  
 Est la mesme instabilité.  
 Depuis le commencement des nations,  
 Les frequentes reuolutions,  
 Ont produit mille changemens,  
 Par les grands bouleuersemens,  
 Des Republiques & Monarchies  
 Qui ont esté ancanties,  
 Par les folles passions des hommes,  
 Qui regnent au siecle où nous sommes.  
 Les Histoires sont toutes pleines,  
 Des Ministres qui par leurs haynes;  
 Et de plusieurs grands Fauoris,  
 Qui sont honteusement peris,  
 En poursuivant la vengeance  
 D'vne pretenduë offence.  
 Ils sont morts comme enragés,  
 De n'auoir pas esté vengés.  
 C'est ainsi, que la main de Dieu,  
 Sçait punir en temps & lieu,  
 Ces hommes de sang & de fer,  
 Pour les precipiter dans l'Enfer.

Prions-le de tout nostre cœur,  
 Qu'il nous deliure du malheur,  
 Et qu'il nous veille proteger  
 Contre ce Ministre estranger,  
 Qui jure de perdre la France,  
 Si on luy oste la Regence.  
 Grand Dieu ayez pitié de nous,  
 Et nos pechez pardonnez nous:  
 Faites que cette tempeste,  
 Esclate sur la mesme teste,  
 Et ne souffrez que ces meschans  
 Triomphent de tant d'innocens.

Ayant finy là sa priere,  
 Vn bon vieillard qui estoit derriere,  
 Fit vne grande exclamation,  
 Pour tesmoigner son affliction:  
 Puis d'une voix articulée,  
 En se monstrant à l'assemblée.  
 Ce n'est pas, dit-il, sans raison,  
 Que ie puis faire comparaïson,  
 De ce regne si miserable,  
 A la Ligue si fort semblable;  
 Que le nombre des malheureux,  
 Surpasse celuy des heureux.  
 Quand ie me represente les miseres,  
 Qui sont causées par ces guerres,  
 Je ne voy rien deuant mes yeux,  
 Qu'horreur, & carnage en tous lieux.  
 Combien de Prouinces ruinées,  
 Combien d'Eglises prophanées,  
 Combien de prises ou sacs de Villes,  
 Combien de pertes de familles,  
 Combien de gens dans les prisons,  
 Combien de lasches trahisons,  
 Combien de places bruslées,  
 Combien de femmes violées,



Combien de sang respandu,  
 Combien de mal entendu,  
 Combien de freres contre freres,  
 Combien d'enfans contre leurs peres,  
 Combien de Princes mescontans,  
 Combien de petits tyrans,  
 Combien de malheur inouis,  
 Pour contenter leurs appetits.  
 Voila les fruits des diuisions,  
 Voila les faits de nos passions.  
 Dieu vueille appaiser son ire,  
 De peur que n'ayons encor pire.

Ce bon homme du temps passé,  
 Apres auoir ainsi exposé,  
 Les maux des guerres intestines,  
 A ses voisins, & aux voisines.  
 Vn ieune drolle d'esueillé,  
 Qui estoit vn peu esceruillé,  
 S'estant trouué dans la meslée,  
 Dit ainsi sa ratelée;  
 Où est donc cette generosité,  
 Qui a deffendu la liberté,  
 De la Couronne de France  
 Contre toute violence?  
 Où est la valeur de nos peres,  
 Qui conquirent tant de terres,  
 Subjuguerent le Leuant,  
 Et firent trembler le Ponant?  
 Chasserent les Goths & Sarrazins,  
 Moins à craindre que les Mazarins,  
 De la France, & de l'Espagne:  
 Mirent l'Empire en Allemagne,  
 Que possedoit cette nation,  
 Qui cherche nostre perdition.  
 Si ces exemples ne suffisent,  
 La nature & les loix nous disent,

Ce qu'il faut faire, Messieurs,  
 Pour perdre tous ces volleurs :  
 Pour releuer l'Estat penchant,  
 Que leur rage va détruisant.  
 Allons, Messieurs, prenons courage,  
 Que tardons nous dauantage :  
 Allons les armes à la main,  
 Deliurer nostre Souuerain,  
 Nous mesme, & toute la France,  
 Des griffes de son EMINENCE.

Aussi-tost l'heure de midy,  
 Ayant sonné Adieu vous dy;  
 Vn chascun s'en alla chez soy,  
 Se disant seruiteur du Roy.  
 Ma lingere me fit arrester,  
 Vn peu de temps pour l'escouter;  
 Ce que ie fis par complaisance,  
 Plustost que par reuerence.  
 Ne pensant alors qu'à disner,  
 Estant venu sans desiuener;  
 Ie demeuray sans repartie,  
 Regardant tousiours la sortie.  
 Dites moy en bonne verité,  
 Monsieur, n'auiez-vous pas esté,  
 Grandement satisfait d'entendre,  
 Ce que vous venez d'apprendre?  
 N'auoüerez-vous pas que le Palais,  
 Vous verra souuent desormais,  
 Que c'est vn lieu diuertissant,  
 Encor qu'on n'ait point d'argent :  
 Qu'il n'y a point de tristesse,  
 Qui ne se change en allegresse;  
 A voir tous ces gens d'affaires,  
 Parler de toutes nos guerres.  
 Mais ils sont bien plus plaisans;  
 Quand ils se mettent sur le temps,

Qu'ils

RBC  
Ncu



Qu'ils expliquent les Propheties,  
 De Nostradamus inepties,  
 Des Almanachs les prediCTIONS,  
 Qui ne sont rien que fictions:  
 De tout cela ils font des fausses,  
 Qui vous feroient chier dans vos chausses.  
 D'où pensez vous que ces Courriers,  
 Qui se debitent à milliers,  
 Viennent, apportant des nouuelles,  
 Qui ne sont pas toutes fidelles?  
 Leur voyage, & leur arriuee  
 Se font en vne matinée.  
 C'est icy, que dessus nos bancs,  
 On fait les Courriers Allemans,  
 Ceux qu'on appelle Polonnois,  
 Et tous les Courriers François:  
 Mille autres petits ordinaires,  
 Sans parler des extraordinaires.  
 Mon ventre me faisant la guerre,  
 Je dis adieu à ma lingere.

Dites-moy, Monsieur l'Amiral,  
 Je me trompe, le Cardinal?  
 Hazard, nostre Amiraute,  
 Vaut bien vostre qualite,  
 Pour n'estre pas le titulaire,  
 Vous en estes le propriétaire.  
 Mais laissons-là ce fait à part,  
 Pour parler de vostre depart,  
 Que ie n'ose appeller fuite,  
 Pour iustifier vostre conduite.  
 Dites-moy quels sont vos moyens,  
 Pour vous venger des Parisiens?  
 Quel grand crime ont-ils commis,  
 Pour vous faire tant d'ennemis?  
 Que ne les laissez-vous en paix,  
 Rendre la Iustice au Palais?

Pourquoi leur retenir leur bien,  
 Puis qu'ils ne vous demandent rien ?  
 Qu'ils vous laissent la liberté,  
 D'agir à vostre volonté :  
 Sous les noms du Roy & des Princes,  
 Pour piller toutes ses Prouinces.  
 Vous deuriez estre content,  
 Sans attaquer le Parlement,  
 Qui peut dans la Minorité,  
 Vous oster cette autorité.  
 Vous deuriez estre satisfait,  
 De tout le bien que l'on vous fait,  
 Pour soulager la pauvre France,  
 Qui va tomber en decadence,  
 Si vous restés le vainqueur,  
 De Paris qui est son cœur :  
 Si vous abbattez son Chef,  
 Tout est perdu, s'en est fait.  
 Il vous sera bien facile,  
 De vous faire Roy de Sicile,  
 Ayant espuisé nos finances,  
 Qui sont les nerfs des Puissances.  
 Dites moy, que pensez vous faire,  
 Ayant allumé cette guerre ?  
 Croyez-vous que les François,  
 Qui aiment si fort leurs Roys,  
 Veuillent perdre leur Empire,  
 Pour vous apprester à rire ?  
 Pour releuer vostre credit,  
 Qui s'en va petit à petit.  
 Nos peuples ne sont plus gruës,  
 Vos fineses sont cousuës,  
 De fil blanc, chascun les voit,  
 Si ce n'est ceux qu'on deçoit,  
 Par promesses, ou presens,  
 Estans de vos Partisans.

Nous ne sommes plus si fous,  
 Que l'on se jouë de nous:  
 Nous sçauons toutes les ruses,  
 Par où l'on drappe les buses:  
 Nous sçauons l'art de regner,  
 Sans qu'on le vienne enseigner.  
 Machiauel, avec ses maximes,  
 Est moins estimé que nos rimes.  
 Quand vous auriez la Cour Romaine,  
 Vous auriez encor de la peine,  
 Avecque toutes ses souplesses,  
 Vfant mesme de vos caresses,  
 De nous pouuoir desabuser,  
 C'est folie que d'y penser.  
 Gardez vos subtilitez,  
 Pour tromper des hebetez:  
 Nous ne sommes plus badauts,  
 Nous connoissons nos deffauts:  
 Portez ailleurs vos coquilles,  
 Nous ne sommes plus faciles,  
 Pour nous laisser enjoller,  
 A qui nous veut cajoller.  
 Le pot aux roses est découuert,  
 Taschez de vous mettre à couuert:  
 La mine est esuentée,  
 On lit dans vostre pensée:  
 Ignorez-vous que les Prouinces,  
 Sont contre vous, & les Princes,  
 Qui ont pris vostre deffence,  
 Au moins c'est vostre creance.  
 Croyez moy, retirez-vous,  
 Vous n'aurez plus de jalous,  
 Vous ferez en seureté,  
 Et viurez en liberté:  
 Vous pourrez faire grand' chere,  
 Vous mocquant de la misere,



Mesme auoir des Comediens,  
Soit François, ou Italiens.  
Enfin, c'est vostre meilleur,  
Et croyez que c'est le plus seur.  
Le Roy pour vos grands seruices,  
Vous lairra vos Benefices;  
Il vous a trop d'obligation,  
Par cette derniere action,  
Qui a fait connoistre à la France,  
Ses forces, & sa puissance,  
Le zele, & la fidelité  
De tout vn peuple reuolté.  
Non contre son Souuerain,  
Mais contre vostre dessein,  
Qui estoit de perdre la France,  
Pour venger vostre EMINENCE.  
Il n'a plus besoin d'Alliés,  
Pour faire de si grands progrès:  
Depuis le siege de Paris,  
Nos Bourgeois sont aguerris:  
Ils sçauent l'art de la guerre,  
S'escriment du cimeterre,  
Font l'exercice du mousquet,  
De la pique, & du pistolet;  
Entendent les commandemens,  
Et gardent tous bien leurs rangs:  
Les cochers, & palefreniers,  
Sont deuenus Caualliers,  
Montez comme des saints Georges,  
Ils vont bien couper des gorges.  
On les prend à leurs regars,  
Pour des Mars, ou des Cefars;  
Tant ils sont braues & fiers,  
Guare, tous vos estafiers.  
Nostre Milice Bourgeoise,  
Menace la Polonnoise,

De

RBC  
NcU

De défaire tous vos gens,  
 Tant François que Allemans;  
 Quoy qu'ils ne soyent que frondeurs,  
 Ils feront peur aux ligueurs.  
 Si vous perdés la victoire,  
 Je crains fort pour vostre gloire,  
 Messieurs nos enfarinés,  
 Vous feront vn pied de nez.  
 Il faut pourtant que j'auouë,  
 Ce dequoy chacun vous louë,  
 Que pour vn petit de mal,  
 La France en general,  
 Vous doit vn remerciement,  
 Pour ce grand souleuement:  
 Pour cette belle entreprise,  
 Que l'on nomme grande sottise.  
 D'auoir enleué le Roy,  
 Sans trompette, ny hautboy,  
 D'auoir donné l'occasion,  
 Aux peuples d'vne émotion,  
 Pour chasser vostre EMINENCE,  
 Hors du Royaume de France.  
 Vous voyez bien maintenant,  
 Que vous estes vn ignorant,  
 Vn Politique burlésque,  
 Bouffon, plaisant & grotesque:  
 Vostre mestier est de jouïr,  
 Piper les dez, cartes manier,  
 Sans vous mesler de Ministère,  
 Ny de troubler toute la terre.  
 Voyla comme bien souuent,  
 Pour n'estre pas preuoyant,  
 L'on perd la vie & l'honneur,  
 Par vn excez de rigueur.  
 Croyant de perdre cét Estat,  
 Par vn infame attentat,

Vous nous fournissez deux Moyens;  
 Qui en seront les vrais soustiens;  
 Je veux dire la vaillance,  
 Jointe avecque la prudence:  
 Ne s'estant point trouué d'hommes,  
 Depuis les troubles où nous sommes,  
 Que vous avez suscitez,  
 Qui ne se soient employez,  
 Aux armes, ou à la Politique,  
 Suiuans le desir qui les pique.  
 Vous avez fait plus de soldats,  
 Sans qu'ils ayent veu les combats,  
 Que les Gaules, & Allemagnes,  
 N'ont fait en plusieurs campagnes.  
 Vous avez fait de la politique,  
 Vne science si pratique,  
 Qu'elle n'est plus celle des Roys,  
 Mais celle de tous nos Bourgeois.  
 Encore vn coup retirez-vous,  
 Nous n'auons plus besoin de vous;  
 Nous auons plus de Politiques,  
 Que vous n'avez de mirlifiques.  
 Adieu, Monsieur le MAZARIN,  
 Vous qui faisiez tant le fin;  
 Adieu, le grand Politique,  
 Qui pretendoit nous faire nique;  
 Adieu, l'Illustre CARDINAL,  
 Qu'on tient icy pour animal;  
 Adieu, donc, haute EMINENCE,  
 Qu'on ne verra plus dans la France;  
 Le bon Dieu vous vueille toucher,  
 Afin que puissiez amander.

Voilà mon vnique Amaranthe,  
 L'image que ie te presente,  
 Des miseres de nostre temps,  
 Si contraires aux vrais Amants,



Que ie ne suis pas capable,  
 Amaranthe trop aymable,  
 De t'enuoyer rien de meilleur,  
 Estant outré de grand douleur.  
 Dis moy, que pourrois-je faire,  
 Ne voyant rien que misere?  
 Le moyen de me resioûir,  
 Si ie ne puis plus jouir,  
 De la presence de tes charmes,  
 Pour faire tarir mes larmes;  
 Et rendre à mon cœur abattu,  
 Vn bien qu'il croit desia perdu.  
 Excuse moy, mon Amaranthe,  
 Si ce discours ne te contente,  
 Tu sçais bien qu'esloigné de toy,  
 Ie ne puis rien faire de moy,  
 Qui ait la grace, & la gentillesse,  
 Qu'il faut pour plaire à sa Maistresse.  
 Que si autrefois dans mes vers,  
 Selon que les sujets diuers,  
 Me fournissoient de la matiere;  
 P'empruntois de toy la lumiere:  
 Pour me guider dans ces detours,  
 Qui ont fait naistre nos amours;  
 Excitant en nous vn plaisir,  
 Qui estoit selon mon desir,  
 De rendre ton affection,  
 Egale à ma passion.  
 Aussi-tost que ta belle bouche,  
 Eust prononcé, ton mal me touche,  
 La liberté de m'exprimer,  
 Se fit entendre pour r'aymer.  
 Du depuis toutes mes pensées,  
 Venoient de ces belles idées,  
 Que mon imagination,  
 Formoit sur ta perfection.



Ce n'estoit pas grande merueille,  
 Si ie chatoüillois ton oreille,  
 Par vn discours plus doux que lait,  
 Que m'inspiroit ton beau pourtraict.  
 Je ne trouue plus si estrange,  
 Que lors que ie parlois d'un Ange,  
 Ma poësie parust si belle,  
 Ayant vn si parfait modelle :  
 Je ne pouuois iamaïs faillir,  
 Quand j'en eusse eu le desir.  
 O cruelle, & douce memoire,  
 Ne me parle plus de la gloire,  
 D'entretenir vne beauté,  
 Qui fait nostre felicité.  
 Cruelle, puisque seulement,  
 Ce qu'autresfois m'estoit present,  
 Tu me le fais voir en idée,  
 Je veux dire ma bien aymée.  
 Douce, qu'en me voyant souffrir,  
 Tu me permets le souuenir.  
 Que ie deteste les Autheurs,  
 Qui sont cause de mes douleurs,  
 Plus pour ma belle Maistresse,  
 Que pour le pain de Gonesse.  
 Ha cruels ! ha sanguinaires !  
 Si vous aymez si fort les guerres,  
 Allez porter ailleurs vos armes :  
 Faites déloger vos gens d'armes,  
 Le Dieu d'Amour dans ses combats,  
 N'a que faire de coutelas.  
 Mais, qu'est-ce, bon Dieu, que j'entens  
 Ne me trompez vous point mes sens ?  
 L'on crie que la Paix est faire,  
 Que tout le monde s'appreste,  
 A rendre graces au Tout-puissant,  
 Adieu, j'y cours en finissant.

E I N.

RBC  
NeU





